

لما أموت

لما أموت

أوعى تحزن

أوعى تبكى كثير عليا

هو يوم واحد كفاية

بعده.. راح تنسى القضية

"لما أموت"

وانت جايلى فى الزيارة

ابقى هاتلى معاك هدية

ورد... من غير مزهرية

رُشهُ ع القبر اللى ساعنى

وانسى مين باعنى وخدعنى
وانت.... متكونش الضحية

"لما أموت"
ابقى كفى بحنانك
ما أنت عارف
انى مُت كثير عشائك
لما كنت تغيب عليا
أو تفوتنى وحدانية
أو تجرحنى بكلامك

"لما أموت"
افتكر شوقى وحنانى
افتكر أوقات جنانى

وانسى أى كلمة جارحة
قولتها لك لما بتكون انت جانى

"لما أمــــــــــــــــوت"

ابقى احكىنى ف كلامك
واحكى عنى للشــــــــوارع
كنت بكره يوم خصامك
كنت ألف بقلبى ضايع

"لما أمــــــــــــــــوت"

مش حيبقى فيه مشاكل
مش حيبقى حد فاكر
حتى حيضيع الصراخ

"لما أموت"

رتل القرآن عشاني

ادعى .. واترحم زمانى

واوعى تحزن... ع ال عدى

واعرف ان الله..... شفانى

"لما أموت"

انسى اى كلمه جارحه قولتهاك

وافكر طيبتى وحنانى

أفكر أوقات جنانى ...

لما أموت